

08 OCT 1997

DR MAHATHIR LANCAR PUTRAJAYA

KUALA LUMPUR, 8 Okt (Bernama) -- Perdana Menteri Datuk Seri Dr Mahathir Mohamad malam ini melancarkan bandar Putrajaya, pusat pentadbiran persekutuan baru yang berharga RM24 bilion.

Upacara pelancaran berlangsung di Pusat Dagangan Dunia Putra. Bandar baru itu mengambil sempena nama Perdana Menteri pertama, almarhum Tunku Abdul Rahman Putra.

Putrajaya, yang dirancang menjadi bandar taman bestari, adalah 25 km dari sini. Ia terletak dalam kawasan Koridor Raya Multimedia yang turut menempatkan Cyberjaya, bandar raya pintar pertama di dunia.

Dengan keluasan 4,581 hektar, Putrajaya mengandungi 20 kawasan untuk urusan kerajaan, sivik dan kebudayaan, komersil, sukan dan rekreasi serta pembangunan bercampur.

Jabatan Perdana Menteri dan kediaman rasmi Perdana Menteri dibina dalam fasa pertama dan dijangka siap Oktober tahun depan. -- BERNAMA

RAZ MAI